

Krediti za MSP-a iz Garantnog Programa RS

Zemlja:	Bosna i Hercegovina
Identifikacioni broj projekta:	52275
Poslovni sektor:	Finansijske institucije
Vrsta:	State
Okolinska kategorija:	FI
Predviđeni datum razmatranja na Upravnom odboru:	25. februar 2021.
Status:	Završen pregled koncepta
Datum objavljivanja KOP-a:	09. oktobar 2020.

Opis projekta

Obezbjedenje državnog zajma u iznosu do 9,5 miliona eura u obliku *standby* kreditne linije (SBKL) u korist Bosne i Hercegovine, koji će se proslijediti Republici Srpskoj. Kao SBKL finansiranje od strane EBRD-a namijenjeno je osiguranju sredstava Republici Srpskoj pod unaprijed dogovorenim uslovima kako bi se podržao novouspostavljeni COVID-19 Garantni program za mala i srednja poduzeća kojim će upravljati Garantni fond Republike Srpske ("RSGF"). Nova linija predviđena je kao nadopuna sredstvima koja će osigurati Vlada Republike Srpske u iznosu od 15,5 miliona eura.

Ciljevi projekta

Projekt će Republici Srpskoj omogućiti uspostavljanje odgovarajućeg finansijskog aranžmana kako bi se u cijelosti finansirao garantni program koji ima za cilj ublažavanje negativnih posljedica pandemije COVID-19, povećavajući kapacitet jednog od najvažnijih alata za odgovor na pandemiju Covid-19 koji će malim i srednjim

poduzećima omogućiti brži pristup finansiranju. Putem ciljane tehničke saradnje Projekt također ima za cilj ojačati operativne kapacitete Garantnog programa u skladu s međunarodnim standardima.

Tranzicijski učinak

Očekivani tranzicijski učinak (ETI) 60

Očekivani tranzicijski učinak projekta proizlazi iz njegovog doprinosa otpornosti i dobro uređenim tranzicijskim kvalitetama. Projekt će podržati kvalitetu **Otpornosti** jačanjem kapaciteta države da održi kreditiranje malih i srednjih poduzeća tokom razdoblja pandemije Covid-19 i pomoći će novouspostavljenom Garantnom programu da postane potpuno funkcionalan. Kvaliteta **dobrog upravljanja** podržana je programom tehničke pomoći usmjerenim na operativne kapacitete Garantnog programa kako bi se osigurala pravilna upotreba resursa u kriznim vremenima i uskladilo upravljanje s najboljom međunarodnom praksom.

Podaci o klijentu

BOSNA I HERCEGOVINA

Zajmoprialac je Bosna i Hercegovina. Sredstva zajma će se proslijediti Republici Srpskoj.

EBRD Finansiranje

EUR 9,500,000.00

Državni zajam do 9,5 miliona eura, koji će se proslijediti Republici Srpskoj.

Ukupna vrijednost projekta

EUR 25,000,000.00

Ukupni procijenjeni trošak projekta iznosi do 25,0 miliona eura.

Dodana vrijednost

Dodana vrijednost se postiže strukturom finansiranja i ublažavanja rizika. Projekt će pružiti dodatnu finansijsku liniju sa jedinstvenom strukturom koja trenutno nije dostupna na tržištu. Učešće Banke u projektu također će poboljšati prakse upravljanja garantnim programima u skladu s međunarodnim standardima.

Sažetak o okolišnim i socijalnim pitanjima

Spada u kategoriju FI prema Okolišnoj i socijalnoj politici EBRD (ESP 2019). RSGF je dužan postupati u skladu sa Provedbenim zahtjevima (PR) 2, 4 i 9 EBRD-ove E&S procedure upravljanja rizikom za korporativne zajmove, MSP i mikro zajmove, uključujući poštivanje EBRD-ove proširene Liste izuzeća i Liste preporuka uvedenih

Okolišnom i socijalnom politikom iz 2019, te podnositi Banci godišnje izvještaje o okolišnim i socijalnim pitanjima.

ESDD će se provesti interno i uključivat će pregled E&S upitnika koji će obezbijediti garantni fondovi. Sve korektivne mjere potrebne za usklađivanje projekta s PR-ovima bit će izrađene i uključene u ESMP-ove prije finalnog pregleda. Pod-zajmoprimci finansirani iz RSGF-ovih zajmova morat će se pridržavati nacionalnih zahtjeva za zaštitu životne sredine, zdravlja, zaštite na radu (EHSL).

Tehnička saradnja i grant sredstva

Projekt uključuje program Tehničke saradnje (TC) kroz koji se pruža podrška Ministarstvu finansija Republike Srpske u uspostavljanju i upravljanju programom kreditnih garancija koji će malim i srednjim poduzećima omogućiti lakši pristup kreditima. Cilj TC-a je učiniti program učinkovitijim i djelotvornijim, ojačati upravljanje i nadzor nad programom i omogućiti međunarodnim finansijskim institucijama, uključujući EBRD, saradnju s Ministarstvom finansija kako bi se osiguralo više resursa za ekonomski oporavak.

Kontakt informacije klijenta

Bojana Vasiljevic Poljasevic

B.Vasiljevic@mf.vladars.net

+387 51 339 778

+387 51 339 670

<https://www.vladars.net/sr-SP-Cyrl/Vlada/Ministarstva/mf/Pages/default.aspx>

Trg Republike Srpske 1 78 000 Banjaluka Bosnia and Herzegovina

Razumijevanje tranzicije

Dalje informacije u vezi s pristupom EBRD-a mjerenju tranzicijskog učinka dostupne su [ovdje](#).

Poslovne mogućnosti

Za poslovne mogućnosti ili nabavku, molimo kontaktirajte preduzeće koje je klijent.

Za poslovne mogućnosti sa EBRD-om (koje nisu vezane za nabavku), molimo kontaktirajte:

Tel.: +44 20 7338 7168

E-pošta: projectenquiries@ebrd.com

Za projekte u državnom sektoru, molimo posjetite stranicu [EBRD Nabavke](#):

Tel.: +44 20 7338 6794

E-pošta: procurement@ebrd.com

Opći upiti

Posebni upiti mogu se postaviti putem [Obrasca EBRD-a za upite](#).

Okolišna i socijalna politika (ESP)

[Okolišna i socijalna politika](#) i s njom vezani provedbeni zahtjevi (PR) utvrđuju način na koji EBRD izvršava svoju obavezu promoviranja „okolišno zdravog i održivog razvoja“. Okolišna i socijalna politika i provedbeni zahtjevi uključuju konkretne odredbe u skladu s kojima klijenti trebaju ispunjavati važeće odredbe domaćeg zakonodavstva u oblasti javnog informiranja i konsultacija, te uspostaviti mehanizam za ulaganje pritužbi s ciljem prijema i lakšeg rješavanja spornih pitanja i pritužbi zainteresiranih strana, a posebno onih koji se odnose na okolišni i socijalni aspekt učinka klijenta i projekta. Srazmjerno prirodi i obimu rizika i učinaka koje projekt može imati u oblasti socijalnih odnosa i zaštite okoliša, EBRD dodatno zahtijeva od svojih klijenata da, po potrebi, objavljuju informacije o rizicima i učinku koji proistječu iz projekata ili da provedu konstruktivne konsultacije sa zainteresiranim stranama, razmotre povratne informacije koje pritom dobiju i odgovore na njih.

Više informacija o praksi EBRD-a s tim u vezi navedeno je u [Okolišnoj i socijalnoj politici](#).

Integritet i usklađenost

Ured Glavnog službenika za usklađenost u EBRD-u (OCCO) promovira dobro upravljanje i osigurava primjenu najviših standarda integriteta u svim aktivnostima Banke u skladu s najboljom međunarodnom praksom. Dubinska analiza integriteta svih klijenata Banke provodi se s ciljem osiguranja da projekti ne predstavljaju neprihvatljiv rizik po integritet ili ugled Banke. Banka smatra kako je otkrivanje i rješavanje spornih pitanja u stadiju procjene i odobrenja projekta najefikasniji način na koji se može osigurati integritet transakcija Banke. Ured Glavnog službenika za usklađenost ima ključnu ulogu u ovim zaštitnim mjerama, ali i pomaže u praćenju rizika po integritet u projektima poslije ulaganja.

Ured Glavnog službenika za usklađenost također je odgovoran za provođenje istrage u slučajevima navodne prijevare, korupcije i propusta u projektima financiranim sredstvima EBRD-a. Svaka osoba, bilo da djeluje unutar ili izvan Banke, koja sumnja u postojanje prijevare ili korupcije, treba podnijeti pismenu prijavu Glavnom službeniku za usklađenost putem e-pošte na adresu compliance@ebrd.com. Ured Glavnog službenika za usklađenost obrađuje sve prijave s ciljem praćenja daljeg razvoja događaja. Razmatraju se sve prijave, uključujući i one koje su podnesene anonimno. Prijave mogu biti podnesene na bilo kojem jeziku Banke ili jeziku zemlje u kojoj Banka posluje. Sve informacije moraju biti podnesene u dobroj namjeri.

Politika pristupa informacijama (AIP)

Od stupanja na snagu 01. 01. 2020. godine, politika pristupa informacijama utvrđuje način na koji EBRD objavljuje informacije i obavlja konsultacije sa zainteresiranim stranama s ciljem promoviranja bolje informiranosti i razumijevanja strategija, politika i operacija EBRD-a. Za informacije o tome koji su podaci dostupni na internet stranici EBRD-a, molimo posjetite stranicu [Politika pristupa informacijama](#).

Posebni zahtjevi za informacijama mogu se podnijeti putem [Obrasca EBRD-a za upite](#).

Nezavisni mehanizam odgovornosti u realizaciji projekata (IPAM)

Ukoliko pokušaji da se socijalna, pitanja koja se odnose na zaštitu okoliša ili objavljivanje informacija riješe s klijentom ili Bankom ne uspiju (npr. putem mehanizma za rješavanje sporova s klijentima na nivou Projekta ili u direktnom kontaktu s upravom Banke), pojedinci i organizacije mogu tražiti rješenje spornih pitanja putem EBRD-ovog Nezavisnog mehanizma odgovornosti u realizaciji projekata (IPAM).

Nezavisni mehanizam odgovornosti u realizaciji projekata provodi nezavisno ispitivanje pitanja vezanih za Projekt za koja se smatra da su prouzrokovala (ili postoji vjerovatnoća da će prouzrokovati) štetu. Svrha Mehanizma jeste: podržati dijalog između zainteresiranih strana u projektu s ciljem rješavanja socijalnih, problema koji se odnose na zaštitu okoliša i objavljivanje informacija; utvrditi je li postupanje Banke bilo u skladu s njenom [Okolišnoj i socijalnoj politici](#) ili konkretnim odredbama njene [Politike pristupa informacijama](#) koje se odnose na Projekt; te, po potrebi, otkloniti sve postojeće neusklađenosti s navedenim politikama, istovremeno sprečavajući neusklađenost u postupanju Banke u budućnosti.

Za informacije o tome kako podnijeti zahtjev za razmatranje putem našeg [povjerljivog e-obrasca](#), [e-pošte](#), [pošte ili telefona](#) molimo posjetite internet stranicu Nezavisnog mehanizma odgovornosti u realizaciji projekata. Nezavisni mehanizam odgovornosti u realizaciji projekata stoji Vam na raspolaganju za razgovor o spornim pitanjima i odgovore na pitanja koja imate u vezi s podnošenjem zahtjeva ili njihovom obradom, a koji su u skladu s [Politikom odgovornosti u realizaciji projekata](#) i [Smjernicama](#). Identitet podnositelja zahtjeva može, na njegov zahtjev, ostati zaštićen.